

# GULIELMO SCROGGS, Militi, E T

## De Banco Regis Capitali Justiciario.

### PROLUSIO LAUDATIVA.

**T**E Nascente fuit lis inter *Festa* Deorum,  
Si *Mars*, Pulchra *Venus*, *Mercurius*ve regant :  
Inde *Jovis* magni res disceptatur in Aula,  
Sed grave, se voluit Sessio consulere ;  
Ulteriorq; dies data partibus, ergo recedunt  
Diva potens, Divum servus, & ipse Ferox.  
Tandem solemnes post consultosq; rogatus,  
Convenit, & vicibus carpere regna datur.  
Formam Diva daret, Mars Vires, Nuncius Auram  
Suaviloquam, formâ, Mente Manuq; vales.  
Post teneros annos, primæ lanuginis Umbra  
Exorta, doctæ Pallados ara vocat :  
Quo Colcestrensi pugnante Vidimus agro,  
Vivaciq; viro quam locus arctus erat ?  
Tum toga longa tenet, Patrii indigestaq; Juris  
Per paucis Lunis te superasse ferunt,  
Sed sacra *Carolidum* fortuna, atq; ira Tonantis,  
Zelus & infans frena dedere viâ.  
Tandem lassatus satis edoctusq; ferendo  
Vulgus, perrupit Nubila Solis ope,  
Seu Caput eripuit Tithoni Aurora cubili,  
Quam Nox atra suis Nubibus implicuit,  
Sic tua lux plusquam Civilis tempore Belli,  
Pectore scintillans, protinus alta petit  
Regis ad adventum, debellatoq; Gigantum  
Murmure, callebat carpere fronte diem.  
Sic dores tibi quas Naturæ contulit Author,  
Organa pro medio præpediere minus.  
Te *Mæcenatem* exopto, cui Principe sacro,  
Credita Justitiæ clavis, & Aula patens.  
Constitit in nostro quo non præstantior orbe  
Judex, lapsa dies contribuitne parem ?  
Gratus utrisq; Foris, nullamq; invisus ob umbram,  
Invidiæ superas ipicula mente tua.  
Nec lasciva tibi potuit fortuna nocere,  
Constanti toleras Fronte tacere Nefas,  
Ardua res, & quod Fidei stupefecit acumen,  
Sanctorumq; preces suspicione premit.  
Distans Causa, sed obscura, haud minus inde necessaria est,  
Ipse igitur Leges parsq; necessis erunt.  
Suprema serie rota volvitur, ipsa voluntas  
Fluctuat, ut sensus undiq; tracta bono.  
Et si quod voluit Deus, haud determinet omnem  
Nixum hominum, fuerint somnia Fata nihil.

Causarum & scalam, violaret nostra voluntas,  
Quod ratio inegat, & sensibus alta fides.  
Extra igitur Causas, si sint, suprema Potestas  
Facta (minor propriè non bene) justificat.  
Concessis, patet esse Deum Mundiq; regentem,  
Nec Chartam obscurum continuisse sacram:  
Inficia causarum sensus veneranda vetustas,  
Nescia pro causis edocuisse notum.  
Fama volat, tu Formalis sis spretor Aselli,  
Jurgia trita Scholæ nec rapuere caput :  
Inde procellosum verum mihi pangere fas est,  
Carmen Honorificum condere jure licet,  
Et tibi condigno, cui nullum, fama recantet,  
Quod Natura queat reddere munus abest  
Vultus forma gravis, mens ditior, auris aperta,  
Ingenium velox, aurea lingua tibi,  
Moribus ingenuus, non zeli obnoxius Oestro  
Religione, capax pectus amicitia,  
Judicium solidum, remanet memoratio firma,  
Gratior & pulchro corpore vena fluit,  
Sic graderus felix, quem si seniores tulissent  
Tempora Romani cesserat Aura fori,  
Londiniq; rogis si Legum Archiva tulissent,  
Pectoris argutum restituisset opem.  
Gestu promerito mirum, verumq; fateri,  
Legis grande tua morte peribit opus.  
Tum Lachrymas suffusa gement subsellia Legum,  
Rectorem Cœlis inseruisse caput.  
Vive diu Regi charus, decus utile Genti,  
Interea terris sit tibi longa salus.  
Barbarus atq; Patris Patrive te sentiat hostis  
Fulmina, nec fraudes pertinuisse Papæ,  
Ergone, O Superi ! Saluberrima Vota laceffens  
Nemo Philanglus erit, credite, vena placet.  
Sin minus arident aliis, mihi grata voluptas  
Garmine bis crimen differuisse suum.  
Tolle caput bene constructum, Dignissime Judex,  
Ausâ Malignantum perdere Numen adest.  
Sic Catuli rabiem solitus frænare Molossus  
Anglicus, externi, respiciendo feram.  
Euge ! verecundum pectus modo substruit alti  
Regis, & humani, non abolendus amor.  
Jactabitq; ferax, atq; alma Effexia tantum  
Nutrivisse virum, debita Thura dedi.